

Bulu - Mvaé Asimesane Mintilan - Good Mind Scriptures

Levitik 24:12 Be nga kee nye e vôm ba tu'a ba'ale nye, be yange'e a kui éyoñ Nti Emien a toteya meleb ma yiane nye.

Deuteronomie 18:6 Nge mone lévite a kômbô kôlô tisone y'Israél e vôm a too a zu e vôme Nti a ye top,

Rut 1:18 Eyoñ Naômi a nga yene na Rut a tyi'ya fo'o na baa nye ba ke, a nji ke fe beta jô jam afe.

1 Minkañete Ôsu 28:9 Mfa'a wôé, a mone wom Solômon, yeme Zambe ésoo wôé a saane nye a nlem ôse, a nsisim ô ne nkômesan, amu Nti a fase minlem mise a a yeme nkômban ôse. Nge wo jeñé nye, a ye bo na ô yene nye; ve nge wo li'i nye, a ye wua wo fé nnôm éto.

Nehémie 4:6 Ve Beyude ba be be nga too bebé be nga zu kate bia foé biyoñ awôme na: Ba so mevôme mese na be zu wosane bia.

Yob 23:13 Ve Nye, nge a tyi'i jam éziñ, za a ne bo nye na a beta bulane mvus? A bo e jam Emien a yene mvaé.

Minkana 29:11 Akute môt da kulan ayaa dé ese, ve mfefek wo jé'é ayaa te éyoñ wo solé de.

Ezayi 26:3 Nyô ôsimesane vié ô yeme be wo, wo ba'ale nye mvo'ê mvo'ê amu a too wo ndi nlem.

Markus 5:15 Ane be nga ke be Yésus, be yene fe môta mimbia minsism a to tôtoo, a be'e ngômesan, a mbili fek, e môt a nga be'e ézu'u minsism! Ane be nga ko woñ.

Lukas 8:35 Bôt be nga ke yene jam e nga boban. Be nga zu be Yésus a be nga koone e môt mimbia minsism mi nga kôlô be nye a too nye mebo, a be'e mengômesan a fek abum, e nde woñ ô nga bi be.

Mimboone Minlôman 17:11 Nsela'an mfa'a ya mbamba minlem a bôte ya Tésalonik, be nga nyône Mbamba Foé a évévé ése. A, môs ôse, be nga fase mintilane na be tu'a yem nge nkobô Paul a Silas ô ne bebelá.

Mimboone Minlôman 20:19 Me nga bo Nti ésaé a éjoté nyôl ése, a mili'i mis. Me mbe mbôma'ane a meve'ele, amu mbia bimo'o Beyude.

Rôme 7:25 Akéva e bo'o e be Zambe, amu Yésus Krist Nti wongan. Ajô te, me ne mbo ésaé atiñe Zambe e nleme wom, ve a minsôn, me ne mbo ésaé atiñ abé.

Rôme 8:6 Enyiñé minsôn ja su'ulan awu, ve ényiñé Nsisim ja su'ulan

ényiñ a mvo'é.

Rôme 8:27 A nyô a yemelane minlem, a yeme minkômbane mi Nsisim.

Bia yeme na, Nsisime wo ye'elan señe mimfufup, aval ane nkômbane Zambe ô né.

Rôme 11:34 Ane mintilan mia jô na: Za fo'o a nga yem ôsimesane Nti?

Rôme 12:2 Te mia vu si ndôn ya melu ma. Ve bo'one mveñesan, zene ya tyendé ñyemané wônané mfa'a ya yemelan jé é ne nkômbane Zambe. Nalé nye ane mvaé a nya mvo'é e mise mé.

Rôme 12:16 Bo'on ôsimesane wua, wua a nyô mbok. Sa'alane beta binyiñ, ke'ane minleme mienan e mam me ne si. Te yenane miabebien ane mimfefek.

Rôme 14:5 Môt éziñ a kandé mimôs, mfe ki a lôô mis avale da. Môt ase, e ntyi'an ô ne éñwé été, a bo'o njalan a mbunan.

Rôme 15:6 nde mia ye ve Zambe duma, Esaa Nti wongan Yésus Krist, mi to nleme wua a tyiñe jia.

1 Koréñt Ôsu 1:10 Ve ma lebe mia, a bobejañ, amu jôé Nti wongan Yésus Krist na: Bo'one tyiñe jia bese, ane mengam ma ye bo momo e zañe jenan. Tuka'a tabane nlatan, e nsisime wua a ôsimesane wua été.

1 Koréñt Ôsu 2:16 Amu za a nga yem asimesane Nti naa a ye'ele nye? Ve bia bi bili ôsimesane Krist.

2 Koréñt Baa 7:7 saa ve nsoone wé étam, ve ngule nlem a nga nyoñ be mia; a nga kate bia beta nkômbane wônan e mili'i menan, a beta ésaé wônan mfa'a wom, avale ya na me nga beta bi ava'a da dañ ngu amu nalé.

2 Koréñt Baa 8:12 Eyoñe mbamba nkômban a né fo'o, Zambe a nyoñ jôme môt a ve, a fombô'ô biôme môt ate a bili, saa bi a nji bi.

2 Koréñt Baa 9:2 Ma yeme mbamba minkômbane mienan, a ne ne wulu ngunguan a mia e be bôte ya Masédôan. Me nga bo me jô'ô be na, Akayi a ne nkôman aso mbu ya mvus, a ayôñe mboone denan e nga fô'ô bekeké abui.

2 Koréñt Baa 13:11 A bobejañ, ma su'ulane jô mia na: Taba'an e mevak été, bo'on ésaé asu nkean ôsu wônan, va'ane ngule nyô mia mia, tuka'a Boone tyiñe jia, nyiñan e mvo'é été, a Zambe a ne nye'an a mvo'é a ye tabe be mia.

Efeze 4:23 Mia yiane bobane mimfefé a ntyendane nsisime ya atyeñé denan,

Filip 2:2,3 ajô te, jala'ane meva'a mam éyoñe mi ne tyiñe jia. Biane nye'ane wua, a bo nleme wua. Jeñane nlatan. 3 Te Boone jam éziñ

a mesengan, nge a mebun asu bone be mam, ve a éjoté nyô, yenane bôte befe na ba dañe mia.

Filip 4:2 Ma lebe Evôdie ba Siñtik na, be bo nleme wua e be Nti.

Filip 4:7 A e mvo'ê Zambe ja dañe fe'ése, ja ye ba'ale minleme mienan a asimesane denan e be Yésus Krist.

Kôlôs 3:12 Amu mi ne mintobane mi Zambe a nga nye'e a telé étyi, jaane ñhe minleme mia wô'ô bôt éngôngo, mvam, nsuubane si, nje'eban a njiban.

2 Tésalonik Baa 2:2 na mi nji yiane ji'a dañe jañele fek, nge ko woñ a nkulane mejô éziñ, nge njôan éziñ, nge kalate éziñ ba liti mia, aval ane nge mame mete ma so e be bia, a mame mete me ne bo mia mi buni na, e môse Nti ô soya.

2 Timôté Baa 1:7 Amu Zambe a nji ve bia nsisime woñ, ve Nsisim ô ne ngu, nye'an a wu njôane nlem.

Tite 2:6 Lebe fe bisoé bendômane be bo fek mfa'a ya mame mese.

Hébre 8:10 Amu jina é ne élat ma ye bo a nda bôt Israél e mvuse melu mete, nalé Nti a jô, ma ye futi metiñe mam e ñyemane wob étê ma ye tili asimesane dap e minleme miap. Ma ye bo Zambe wop, a ba ye bo e bôte bam.

1 Pierre Ôsu 1:13 Ajô te taba'ane nkôman asimesane denan étê. Bo'one fek. Tela'ane ndi nleme jenan ése e mvam ja ye so e be mia éyoñe Yésus Krist a ye yené!

1 Pierre Ôsu 5:2 Va'ane mbame mintômba ô nga vebane be mia bidi, a ba'ale wô, saa a ntindan, ve a nye'an, aval ane Zambe a kômbô.

2 Pierre Baa 3:1 A bidima bemvôé biam, e kalate baa ñhe ma tili mia nyô. E bebaane étê, aval ane ma ba'alane mia mam, ma kômbô vumelan asimesan e ne mvo'ê e minsisme mienan étê.

Nlitan Mam 17:9 Eyoñe ya bo atyeñe fek ja faé éfufup e nje ji. Minlô zamgbwa mi ne minkôle zamgbwale minga a too. Be ne fe bejô bôte zamgbwa.

Pastor T. John Franklin
Church of Salvation, Healing, and Deliverance
COS-HAD.org